

**30 NOIEMBRIE**  
**RUGACIUNEA**  
**SF. REGE**  
**VAHTANG GORGASALI 1**  
**AL GEORGIEI**

სავედრებელი ლოცვა

ჰ, ეკლესიისა შეურყეველო გოდოლო და მართლმადიდებლობისა სუეტო საღმრთოო, ჭეშმარიტებისა მოწამეო და ქრისტესათჳს და მამულისათჳს სისხლდათხეულო, მკედართა სიქადულო, მეფეთა სიმტკიცეო, მთავართა დიდებაო, უძლურთა ძლიერებაო, მდაბალთა ამამაღლებელო, გლახაკთა განმამდიდრებელო, ბრძოლათა შინა უძლეველო და ჭირთა შინა ურცხვენელო, მვედრებელთა შენთა მსწრაფლ-შემწეო და წყალობისა მომნიჭებელო, წმიდაო, კეთილმსახურო, მართალო და დიდო მეფეო ვახტანგ გორგასლანო!

ჰ, ღუაწლით შემოსილო დიდო მეფეო, წმიდაო ვახტანგ გორგასლანო, კეთილმსახურებრითა კადნიერებითა ევედრე ქრისტესა ღმერთსა, რადთა დაიცვას მამული ჩუენი მტერისა საფრჯისაგან და

ძმათა მტერობისაგან, და წყალობითა მოხედოს დედისა თვისისა წილხვდომილსა ერსა ჩუენსა, მტვრთველსა საუფლოდსა ჯუარისადსა ქუეყანასა ზედა, ხოლო სარწმუნოებად ჩუენი კუალად განაახლოს და მოგუმადლოს შენებრი მკურვალეებად სარწმუნოებისად, ძმებრივი სიყუარული მოყუასისად და საღმრთოდ მოშურნეობად მამულისად, რომელიცა განიპოხა სისხლითა შენითა, და თვნიერ შებრკოლებისა აღგვდგინოს ძირისაგან დავითისა, ცხებული ღმრთისად, რომელიცა სარწმუნოებითა მტკიცითა მოჰკრძალავს ყოველთა საზღუართა საქართველოდსასა და აღამაღლებს და აღადგენს სიმაღლესა და ძლიერებასა ჩუენსა ქუეყანით დავიწყებისადთ, რადთა ვიყოთ ერთ სამწყსო და უფალი იყოს მწყემს ჩუენდა. განაძლიერე მსახურებასა შინა უწმიდესი და უნეტარესი, სრულიად საქართველოდს კათალიკოს-პატრიარქი, მცხეთათბილისის მთავარეპისკოპოსი და ბიჭვინთისა და ცხუმ-აფხაზეთის მიტროპოლიტი, დიდი მეუფეჴ, მამად ჩუენი ილია, ყოვლადსამღდელონი მიტროპოლიტნი, მთავარეპისკოპოსნი და ეპისკოპოსნი, პატოოსანნი მღდელნი, ქრისტეს მიერ დიაკონნი და ყოველნი სამონაზვნო წესნი, ზიარნი მართლმადიდებელისა ეკლესიისანი და ყოველნი მართლმორწმუნენი ქრისტეანენი.

ჟ, ზეგარდამო ღმრთისა მიერ გზრგზნოსანო, წმიდაო ვახტანგ გორგასლანო! ვითარცა გაქუს ძლიერებად ღმრთივმონიჭებული, იმეოხენ წინაშე ღმრთისა, რადთა მოჰმადლოს ეკლესიათა დიდებად, სამღდელოთა პატიოსნებად, მთავართა კეთილად მწყსად ერისად, მჯედართა მამაცობად, ერისაგანთა უცოდველობად და დედათა კრძალულებად, ხოლო ჩუენ მოგუანიჭოს კეთილ-მოქალაქობით ცხორებად, ქუელის საქმითა განშუენებად, წმიდითა ლოცვითა განათლებად, აღსარებითა განწმედად, ზიარებითა განბრწყინებად, პატიოსნად მიცვალებად, სასუფეველსა დამკვდრებად, ანგელოზთა თანა გალობად, წმიდათა თანა სუფევად, და შენ თანა დიდებად და მადლობად, რამეთუ მისა ჰშუენის ყოველი დიდებად, პატივი და თაყუანისცემად, თანა მამით და სულით წმიდითურთ, აწ და მარადის და უკუნითი უკუნისამდე, ამინ.